



U akciji **SIPA** zaplijenjeno je 900 kg skanka

Potvrđena presuda

Sud BiH je nakon žalbi potvrdio prvostepenu presudu od 11 godina robije dileru Bojanu Vukojičiću

Drugostepeno vijeće Suda BiH odbilo je žalbe stranaka i branilaca i u cijelosti potvrdilo prvostepenu presudu Suda BiH od 24. oktobra 2019. Prvostepenom presudom Suda BiH optuženi Bojan Vukojičić oglašen je krivim zato što je počinio krivično djelo neovlašćeni promet opojnim drogama te mu je Sud izrekao kaznu zatvora od 11 godina. Njemu je kao sporedna izrečena novčana kazna od 80.000 KM.

Podsjetimo, pored Vukojičića, za šverc 900 kg skanka u Sudu BiH osuđeni su njegov brat Srđan, Rajko Đuković i Milisav Tešović na ukupno 25 i po godina zatvora.

Srđan Vukojičić je dobio tri godine zatvora, Tešović je osuđen na pet, a Đuković na šest godina zatvora.

Pripadnici **SIPA** u akciji kodnog imena 24 uhapsili su ih 8. oktobra 2018. kod Krupca u Istočnom Sarajevu nakon što su zaustavili dva kamiona i automobil.

U jednom kamionu pronašli su 900 kilograma skanka. Droga je bila namijenjena ilegalnom narkotržištu BiH i trebala je biti transportovana prema Zenici ili Mostaru. Dio droge trebao je ostati u BiH, a dio biti prebačen u Hrvatsku. **D. P.**